

VSG

**DOOLESUUGER 2008**



VSG

**F**ir d Euro 08 haan ich welle  
my Balggon zur Verfielig stelle.  
Doch d Uefa will, statt sich z bedangge  
derfiir no 100'000 Frangge.

S Tante Trudi muess in der Garage woone  
will d Stuben isch jetzt de Fän ihri Zoone.

**DOOLESUUGER 2008**



VSG

**S**yts d Migros git, bin ych derbyy.  
Kauff us Prinzip nur deerte n yy.  
Jetzt kaufft d Migros dr Denner uff,  
drum frai my uff my eerschte Suff

Vor em Konsum seits Tante Trudi zum Rosi:  
Du dä klaini Sarkosi,  
ka eighetlig froh si,  
Het wider ä Bruuni ... und e Grossi.

**DOOLESUUGER 2008**



VSG

**DOOLESUUGER 2008**




**A**ls scheene Maa weiss ych genau,  
im Raadarkaschte sitzt e Frau.  
Wenn ych schnäll gnueg tue duure faare,  
denn blitzt die frintlig in my Kaare

S Tante Trudi behauptet in däne Kischte  
sitze mängisch Polizischte

**W**as het der Fernand Gerspach dänggt  
und zünftig mool in d Kasse glänggt?  
Verloo vo allne guete Gaischter,  
blybt äär nur der Verseggelmaischter.

S Tante Trudi tät zum stähle  
ganz en anderi Kasse wähle,  
eini vos keine tuet hindere strähle,  
wenn zwanzig Milliarde – ungrad – fähle.



**DOOLESUUGER 2008**

VSG

**D** Roche baut jetzt e Duurm us Glaas,  
e Superhelix Form syg daas.  
Doch luegsch genau fyylsch di betrooge,  
s isch s nei Casino in d Heechi zooge

Ziehnt none bitzli, seits Trudi und lacht  
Bis es tschätteret und zämme kracht.

**DOOLESUUGER 2008**



VSG

**D** er Jäger schlitzt den Wolf entzwei  
Rotkäppchen ist nun wieder frei.  
So deent in Zuekunft, wie z' erwaarte  
d Määrlichtund im Kindergaarte

Tante Trudi weiss auch in Märlein  
Knut und Flocke, die zwei Bärlein  
sind ein Pärlein.

**DOOLESUUGER 2008**



VSG

**D** er Donnschtigsjass, das isch e Hit,  
doch sälber spiile kann ych nit.  
Drum faar ich jetzt als Jassbanaus  
nach Rynach mit dem Elfer raus.

Mir spiile us! riefts Tante Trudi  
und zieht ä Trumpf us ihrem ... Ärmel.

**DOOLESUUGER 2008**



**D** er Blocher sait zem liebe Gott:  
Dyy Allmacht isch daas won ich wott.  
Dr liebi Gott seit druff zem Soon:  
Denn gang yych , in d Opposition.

S Tante Trudi isch au in dr Opposition,  
lost Schacher Sepp statt Rolling Stone.  
(Schacher Sepp, instrumental)

s Tante Trudi sait:  
Das gfallt em Marcel Ospel, jedi Wett  
unserem UBS-Verschacher Sepp.